

楞嚴經

趙樸初題



● 上海古籍出版社

無法不備 無機不攝
若合殊流 同歸于海





大佛頂首楞嚴經會解

趙樸初題



●(唐) 般刺密帝譯 (元) 惟則會解 ●上海古籍出版社

楞嚴經

(唐)般刺密帝譯

上海古籍出版社出版

(上海瑞金二路272號)

海寧書局上海發行所發行 上海古籍印刷廠印刷

開本787×1092 1/16 印張14.75 插頁4

1991年3月第1版 1991年3月第1次印刷

印數：00001—1300

ISBN 7-5325-0942-7

B·140 定價：12.00元

出版說明

《楞嚴經》，或名《大佛頂首楞嚴經》，全名為《大佛頂如來密因修證了義諸菩薩萬行首楞嚴經》，以宣說「大佛頂首楞嚴王、具足萬行、十方如來、一門超出妙莊嚴路」之禪修而得名。又稱作《中印度那爛陀大道場經》，十卷，唐中宗時般刺密帝譯，屬祕密部經典。

般刺密帝，中印度人，居廣州制止道場。于唐神龍元年（七〇五）五月二十三日從灌頂部誦出一品，即此《楞嚴》。關於此經傳譯，並有種種異說，故自宋以降，辯其真偽而久訟不決，近世復有疑其為中國撰述者。但無論其真偽如何，此經結合了中印佛學、哲學思想，是一部思想史的重要文獻。

《楞嚴經》注本，舊傳百餘，現行四十餘家。兼涵通融者，有元姑蘇師子林天如惟則禪師《會解》二十卷，集宋惟愨、弘沆、崇節、洪敏、子璿、智圓、仁岳、曉月、戒環諸家，其中子璿、戒環屬賢首宗，仁岳屬天台宗，故其會解，既有助於從不同側面理解經義，亦可證知各家各派觀點之異同。

今據清末常州天寧寺刊本影印。

上海古籍出版社 一九九一年三月

目 録

大佛頂首楞嚴經會解叙	一
卷第一	四
卷第二	一〇
卷第三	二三
卷第四	三五
卷第五	四七
卷第六	五六
卷第七	六七
卷第八	八二
卷第九	九六
卷第十	一〇六
卷第十一	一一六
卷第十二	一二五
卷第十三	一三八

卷第十四 一四八

卷第十五 一五八

卷第十六 一七〇

卷第十七 一八六

卷第十八 一九七

卷第十九 二〇九

卷第二十 二一七

勸持叙 二二七

卷第四 三五

卷第三 二五

卷第二 一〇

卷第一 四

大興京自對遠樂會雜錄 一

目錄

大佛頂首楞嚴經會解敘

師子林 沙門 惟則

首楞嚴經者諸佛之慧命眾生之達道教網之宏綱禪門之要關也世尊成道以來五時設化無非為一大事因緣求其總攝化機直指心體發宣真勝義性簡定真實圓通使人轉物同如來彈指超無學者無尚楞嚴矣釋其名則一切事究竟堅固即所謂徹法底源無動無壞而如來密因菩薩萬行靡不資始乎此而歸極乎此耳考其所詮則談圓理以明真性開圓行以示真修其性也體用雙彰其修也果因一契

支那撰述 大佛頂首楞嚴經會解敘第一 二 編一

原始要終了義之說也良由諸修行人背真向妄不成無上菩提或愛念小乘得少為足或欲漏不除畜閻成過故阿難以多聞邪染為緣浚發大教而世尊首告之曰一切眾生生死相續皆由不知常住真心性淨明體用諸妄想此想不真故有輪轉又曰有三摩提名大佛頂首楞嚴王具足萬行十方如來一門超出妙莊嚴路斯一經理行之大本也歟由是破七處攀緣別二種根本因見顯心心顯見雖心見互顯而正顯在心如以盲人矚暗喻見非眼屈指飛光驗見不動印觀河之非變比垂手之無遺辨於八還

擇於諸物非舒非縮無是無非使悟淨圓真心妄為色空及聞見耳既悟妄為尚疑混濫故又破自然因緣示見見之非見合別業同分指見妄之所生且以一人例多人以一國例諸國總顯器界根身同一妄耳自淺而深自狹而廣雖多方顯妄而所顯惟真故又單陰入處界廣及七大融會入於如來藏性使悟物我同根是非一體妄無自性全體即真凡十界依正之相皆循業發現而已既悟即真尚迷循發故又答山河大地之難深窮生起之由譬虛空不拒諸相發揮顯真妙覺明圓照法界一多互應小大相容即

支那撰述 大佛頂首楞嚴經會解敘第一 二 編一

體即用非俗非真至於離即離非是即非即則藏心妙性不涉名言矣復引照鏡狂走喻妄無因結責多聞勸修無漏通而言之皆圓理也理解雖圓非行莫證故又明二決定義初審因地發心伏斷無明為修行之要次審煩惱根本意擇圓根為發行之由於是定六根優劣令一門深入擊鐘驗常縮巾示結陳二十五聖所證法門勸選耳根為初心方便而又教以攝心軌則安立道場遂聞四重律儀頂光神呪通而言之皆圓行也乃至由三增進成就五十五位真菩提路雖談證位未盡行因下而戒業習於七趣情想

防禪定於五陰魔邪無非行門之事必期於圓滿菩提歸無所得始得名為究竟堅固之證也然則究竟堅固之理立究竟堅固之行修究竟堅固之行證究竟堅固之理楞嚴教旨大抵如是是知教行理三悉疏楞嚴了義之說莫此加矣科經者合理行為正宗離正宗為五分一見道二修道三證果四結經五助道謂見道而後修道修道而後證果此常途之序固爾究論上根修證如發明藏性之後謂不歷僧祇獲法身請入華屋之前謂疑惑銷除心悟實相之類又豈局於常哉大哉敬乎夫欲發真歸元明心見性

支那

大佛頂首楞嚴經會解敘第一

三

編一

補註若合殊流同歸於海故謂之會解噫道本無言非言不顯佛不得已而言矣言有不達道無以明則諸師之言亦不容其己也言既多而不同去道轉遠則會解者又豈容其自己哉解既會矣庶幾覽者因會解以知人之言因人言以知佛之言佛言知矣究竟堅固者得矣曰行曰理曰教曰禪曰達道曰慧命皆刺語矣况所謂解與會哉時至正二年壬午佛成道日廬陵沙門惟則述於姑蘇城中之師子林

昔天台智者大師問西域有是經夙夜西望願見而未及見也唐武后長安末般刺密帝三藏始持梵本自南海至廣州會宰相房融知南銓在廣請就制止寺譯出而筆受之中宗神龍元年乙巳五月二十三日經成膽寫入奏適朝廷多故未遑頒行有神秀禪師入內道場見所奏本傳寫歸荊州度門寺時慧振法師訪度門而得之經始傳天宮十年西京興福寺惟愨法師復於故相房融家得其筆受之本始作疏解而廣傳之繼是則有長水孤山吳興諸公遞相發明而解益詳矣然學者或困於詳而莫能徧探今師子林天如禪師會解一出則不待徧探而眾美具在不勞辨覈而羣疑自

支那

大佛頂首楞嚴經會解敘第一

四

編一

消誦習之便莫便於是矣愚與師遊從既久白其搜括諸家參酌去取凡三年而會解成皆愚所目擊蓋亦頗知其深有功於是經者也茲因募眾梓以流通乃復紀經來之歲月云臨川沙門克立愚會解所引教禪諸師名目

年代未詳姑據所聞而列

興福法師諱惟愨 資中法師諱弘沈

真際法師諱崇節 橋李法師諱洪敏

長水法師諱子璿 孤山法師諱智圓

吳興法師諱仁岳 泐潭禪師諱曉月

溫陵禪師諱戒環

支那撰述

大佛頂首楞嚴經會解敘第一

五

綿

此目撰述者集約一百六十八卷會集等正十人
 開卷正八八卷三卷雜只餘卷約一千六百餘卷
 正身經而與此本曰午二百正十人各師對制
 撰述立辭各以疏釋各師明林出此五合二集
 本和之王與我師撰述而立美藏明與教書之貴
 無藏具三藏我五天世我撰述者太子之各出
 編費難以圖費因辦一費根二費就三費開國
 辦費用姑不致詳也亦由曰定蘇外更三合論
 本旨撰對西日不致詳也一謂之精水用精立
 諸師曰吸晨之古非致詳也其東書明對立言
 天壽正身經集約一百六十八卷
 撰述者集約一百六十八卷會集等正十人
 開卷正八八卷三卷雜只餘卷約一千六百餘卷
 正身經而與此本曰午二百正十人各師對制
 撰述立辭各以疏釋各師明林出此五合二集
 本和之王與我師撰述而立美藏明與教書之貴
 無藏具三藏我五天世我撰述者太子之各出
 編費難以圖費因辦一費根二費就三費開國
 辦費用姑不致詳也亦由曰定蘇外更三合論
 本旨撰對西日不致詳也一謂之精水用精立
 諸師曰吸晨之古非致詳也其東書明對立言
 天壽正身經集約一百六十八卷

大佛頂如來密因修證了義諸菩薩萬行首楞嚴經會解卷第一

天竺沙門般刺密帝譯

烏菴國沙門彌伽釋迦譯語

菩薩戒弟子前正議大夫同中書門

下平章事房融筆受

師子林沙門惟則會解

溫陵曰如來果體其體本然何假密因菩薩道用其用無作孰為萬行無因無行無修無證無不了大小名相一切不立此真首楞嚴究竟堅固者

支那撰述

大佛頂首楞嚴經會解第一

綿一

也特以眾生如來隱於藏心非密因不顯眾生菩薩淪於七趣非萬行不修覺皇於是示之以大法使不迷於小道而默得乎無外之體喻之以佛頂使明本妙心知三世諸佛皆依此為初因明修證了義使悟究竟法知一切聖人皆依此而證果乃至具足菩薩萬行一切事法無不究竟至於實相堅固不壞故名大佛頂如來密因修證了義諸菩薩萬行首楞嚴經即能證之文而已證猶筌也知經為筌則從而釋之者皆筌也非魚也學者慎

勿執筌為魚然後首楞真經可得矣補註曰梵語首楞嚴乃大定之總名也此翻一切事究竟堅固古師云未修此定一切事法宛爾差殊為法所縛得此定時山河大地明暗色空一切事法當處寂滅即是常住心性故云究竟堅固如法華云是法住法位世間相常住韶國師云心外無法滿目青山亦此義也上畧釋經題竟若其翻譯筆受等來歷及分門科判之類諸師既有明文茲不繁引如是我聞一時佛在室羅筏城祇桓精舍與大比丘眾千二百五十人俱

支那撰述

大佛頂首楞嚴經會解第一

二

綿一

溫陵曰如是之法我從佛聞此集者因佛立言證法有所授而已不必他說一時之語亦因佛立諸經通用故不定指也孤山曰室羅筏或云舍衛新翻豐德以國豐四德一貨財二欲境三多聞四解脫祇具云祇陀正云逝多此翻戰勝太子之名也生時父王與外國戰勝因立美號即須達為之買園造立精舍以施佛者桓即林也比丘舍三義乞士破惡怖魔也長水曰千二百五十人者初度陣如等五人次度三迦葉兄弟兼徒一千次度舍利弗目犍連各兼徒一百次度耶舍長者等五十人

經舉大數故減五人此眾並先事外道勤苦累劫
一無所證纔遇佛即得上果故感佛恩常隨佛化
為常隨眾也補註曰會解之例不以人品年代先
後為次第蓋於諸家之解互有去取但以所取之
解隨經文先後而插入焉解之同者不重取貴在
一路貫通如出一人之口而已

皆是無漏大阿羅漢佛子住持善超諸有能於國土
成就威儀從佛轉輪妙堪遺囑嚴淨毘尼弘範三界
願身無量度脫眾生拔濟未來越諸塵累

孤山曰無漏者內冥中道不漏落二邊也準涅槃

支那 大佛頂首楞嚴經會解第一 三 編一

四依品十地菩薩名阿羅漢溫陵曰華嚴歎眾住
一切菩薩智所住境護持諸佛正法之輪所謂佛
子住持也法華歎眾盡諸有結心得自在所謂善
超諸有也能於國土成就威儀者隨利現身正容
悟物也從佛轉輪妙堪遺囑者道能助化德足利
生也而又嚴毘尼而作範示應身而度生意非利
彼一時直欲拔濟未來使皆超諸有塵累耳此阿
難同列之德也凡經序眾皆隨緣起此經以阿難
起教示墮淫室疑若未能住持佛法善超諸有虧
威儀汗戒律不堪遺囑度生拔濟未來故因歎同

列之德以顯阿難示迹實無虧汗意在拔濟也
其名曰大智舍利弗摩訶目犍連摩訶拘絺羅高樓
那彌多羅尼子須菩提優波尼沙陀等而為上首

長水曰舍利此云鶩也弗即子也其母名舍利以
其眼黑白分明轉動流利如之故連母為名目犍
連姓也此云采菽氏名拘律陀此云無節樹摩訶
拘絺羅此云大膝乃舍利弗之舅常論勝姊懷
鶩子論即不勝知懷智人寄辯母口遂往南天學
十八經無暇剪爪號長爪梵志學畢還家而甥已
為佛弟子起大憍慢往佛所尊之佛令立論義墮

支那 大佛頂首楞嚴經會解第一 四 編一

負媿得法眼淨成阿羅漢獲四辯才富樓那父名
此云滿彌多羅尼母名此云慈今連父母名召云
滿慈子須菩提此云空生生時庫藏皆空占者云
既善且吉故亦云善現善吉優波尼沙陀此云塵
性空孤山曰諸經列名不同尚年臘則先陳如尚
聲德則先驚子今從尚德之例也
復有無量辟支無學并其初心同來佛所屬諸比丘
休夏自恣十方菩薩咨決心疑欽奉慈嚴將求密義
即時如來敷坐宴安為諸會中宣示深奧法筵清眾
得未曾有迦陵仙音徧十方界恆沙菩薩來聚道場

文殊師利而為上首

長水曰辟支具云辟支迦羅此云獨覺亦云緣覺
 獨但自悟緣依教悟獨覺自分二類其利根者曰
 麟喻喻麟之獨出無佛世觀物變易自覺無生其
 鈍根者曰部行亦出無佛世部黨而行師徒訓化
 也緣覺依佛教觀十二緣作流轉還滅二種觀法
 者也資中曰此是部行遇佛迴向者吳興曰并其
 初心正似師徒共集實部行也孤山曰自恣律開
 三日七月十四十五十六也溫陵曰自有愆失恣
 任僧舉曰自恣九句禁足莫由覲佛故於休夏咨
 支那
 撰述
 大佛頂首楞嚴經會解第一
 五
 綿一

決心疑自恣決疑皆所以考九句德業也欽奉如
 來而稱慈嚴者慈以恩言嚴以威言宣示深奧所
 以為楞嚴發起如法華以無量義為發起也迦陵
 頻伽仙禽也其音和雅佛音如之文殊此云妙德
 表根本智楞嚴會上為擇法眼故居上首也
 時波斯匿王為其父王諱日營齋請佛宮掖自迎如
 來廣設珍羞無上妙味兼復親延諸大菩薩
 孤山曰波斯匿此云勝軍溫陵曰匿王舍衛國王
 也宮掖王之內庭也於內庭延佛敬之至也
 城中復有長者居士同時飯僧佇佛來應佛勅文殊

分領菩薩及阿羅漢應諸齋主惟有阿難先受別請
 遊遊未還不遑僧次既無上座及阿闍黎途中獨歸
 其日無供即時阿難執持應器於所遊城次第循乞
 心中初求最後檀越以為齋主無問淨穢利利尊姓
 及所陀羅方行等慈不擇微賤發意圓成一切眾生
 無量功德

溫陵曰此敘其誤墮婬室之由也律制僧遠出侶
 須三人一上座一軌範師所以嚴行止防誤失也
 鉢曰應器最後檀越謂未飯僧者平等之慈於已
 等心而化使彼等心而施於食等者於法亦等所
 支那
 撰述
 大佛頂首楞嚴經會解第一
 六
 綿一

以能成無量功德若摩登者即穢而微賤阿難既
 無揀擇所以誤墮也刹帝利王族旃陀羅云殺者
 即屠膾婬酒之家

阿難已知如來世尊訶須菩提及大迦葉為阿羅漢
 心不均平欽仰如來開闢無遮度諸疑謗經彼城隍
 徐步郭門嚴整威儀肅恭齋法

溫陵曰此敘平等行慈之意也須菩提捨貧從富
 大迦葉捨富從貧一謂富者易施一謂貧者植因
 如來訶之欲其心無遮限而息不均之疑謗故阿
 難欽仰以肅恭齋法齋法者齊整嚴重次第行乞

之謂也或局維摩經謂非如來訶責安知如來不訶獨淨名訶哉

爾時阿難因乞食次經歷婬室遭大幻術摩登伽女以娑毘迦羅先梵天呪攝入婬席婬躬撫摩將毀戒體

長水曰摩登伽義翻本性下經云性比丘尼是也溫陵曰摩登伽妓女也娑毘迦羅此云黃髮外道所傳幻呪名先梵天實妖術耳婬躬撫摩將毀戒體者以身逼近將毀淨戒之體也後云心清淨故尚未淪溺則將毀而已

支那撰述 天佛頂首楞嚴經會解第一

七 編一

如來知彼婬術所加齋畢旋歸王及大臣長者居士俱來隨佛願聞法要於時世尊頂放百寶無畏光明光中出生千葉寶蓮有佛化身結跏趺坐宣說神呪勅文殊師利將呪往護惡呪消滅提獎阿難及摩登伽歸來佛所

資中曰如來常儀受請齋畢皆為說法今既速歸必有所為故王臣大眾隨而來也溫陵曰頂門為無上果光有百寶色謂之無畏者能攝魔外物無以勝也世尊不自說呪而於頂光化佛說者示此呪乃無為心佛無上心法也孤山曰登伽得益而

經家不敘者下文顯故然約實行則機熟得道之時由阿難率以欲鈞故使後入佛智也若是大權則同阿難發起斯教以益羣機耳補註曰一經大分準常為三一序分二正宗分三流通分序分齊此下文為正宗分蓋阿難返省前非啓請妙奢摩他等正是正宗之發端也環師於正宗一分又科為五初見道分始於此而止於第四卷中二修道分始於第四卷中而止於第七卷三證果分始於第七卷末而止於第八卷中四結經分在證果分後五助道分始於第八卷中而止於第十卷末正宗文竟遂入流通而卷終焉

支那撰述 大佛頂首楞嚴經會解第一

八 編一

阿難見佛頂禮悲泣恨無始來一向多聞未全道力殷勤啓請十方如來得成菩提妙奢摩他三摩禪那最初方便於時復有恒沙菩薩及諸十方大阿羅漢辟支佛等俱願樂聞退坐默然承受聖旨

補註曰奢摩他等三名乃楞嚴大定之名也昔孤山嘗用天台三止配之一曰體真止止於真諦二曰方便隨緣止止於俗諦三曰息二邊分別止止於中道第一義諦以止屬於定故也今復釋而明之奢摩他者寂靜之義也三摩者觀照之義也禪

那者寂照不二之義也義立三名體惟一法舉一具三言三即一三一互融故謂之妙如是妙修方曰楞嚴大定此乃一經之要旨趣理之玄門阿難味之是以遭難至是始以多聞小慧為恨而以楞嚴大定為請雖以大定為請然如來下文所示別無其方始則決擇真妄次則真妄和融乃至會通藏性深窮萬法直至第四卷中皆是發明究竟之圓理而已蓋此圓理乃大定之本也吳興曰最初方便者阿難所請有通有別通謂奢摩他等是諸佛成道之法也別謂最初方便即當機發行之由

女那撰述 大佛頂首楞嚴經會解第一 九 編一

也應知下文從破心見以去酬其通請如佛告阿難有三摩提名大佛頂首楞嚴王具足萬行十方如來一門超出妙莊嚴路汝今諦聽等至辨諸聖圓通本根酬其別請如佛告大眾吾今問汝最初發心悟十八界誰為圓通從何方便入三摩地等舉要言之惟觀音所觀耳根圓通是此經最初方便舊有多說今無取焉

佛告阿難汝我同氣情均天倫當初發心於我法中見何勝相頓捨世間深重恩愛阿難白佛我見如來三十二相勝妙殊絕形體映徹猶如琉璃常自思惟

此相非是欲愛所生何以故欲氣羸濁腥臊交遊膿血雜亂不能發生勝淨妙明紫金光聚是以渴仰從佛剎落

溫陵曰阿難此云慶喜斛飯王之子如來成道夜生淨飯既聞太子成道斛飯又奏宮中生男舉國欣慶因名慶喜是佛堂弟故云同氣同氣共本也天倫兄弟也吳興曰阿難既厭多聞而欣妙定如來欲談是義先詰妄緣故問發心見相之由為止散入寂之本迷解之要並在於茲孤山曰見相實有生滅宛然緣此發心安趣常果故下經云若於因地以生滅心為本修因而求佛乘不生不滅無有是處補註曰阿難見相乃緣塵分別之見其所發心即妄想攀緣之心後文七徵八辨重重逐破者此也

女那撰述 大佛頂首楞嚴經會解第一 十 編一

佛言善哉阿難汝等當知一切眾生從無始來生死相續皆由不知常住真心性淨明體用諸妄想此想不真故有輪轉

孤山曰常住真心即下文如來藏心圓融三諦也用諸妄想謂九界眾生不達此三本惟一念於是六趣見其俗二乘見其真菩薩見其中皆由不了

圓融妄生取著故致輪轉二種生死

汝今欲研無上菩提真發明性應當直心酬我所問

十方如來同一道故出離生死皆以直心心言直故

如是乃至終始地位中間永無諸委曲相阿難我今

問汝當汝發心緣於如來三十二相將何所見誰為

愛樂阿難白佛言世尊如是愛樂用我心目自由目

見如來勝相心生愛樂故我發心願捨生死

泐潭曰此正陳妄體也目即眼根心即意識根識

虛妄猶如空花若執有體能見能樂豈惟迷於法

空亦起我人見愛故後文云六為賊媒自劫家寶

支那撰述 大佛頂首楞嚴經會解第一 十一 綿一

無始虛習住地無明皆由根識更非他物想相為

塵識情為垢生死輪轉莫不由斯故下推徵令知

虛妄

佛告阿難如汝所說真所愛樂因於心目若不識知

心目所在則不能得降伏塵勞譬如國王為賊所侵

發兵討除是兵要當知賊所在使汝流轉心目為咎

吾今問汝惟心與目今何所在

孤山曰王譬真心賊譬妄想真為妄轉如國被賊

侵發兵討除喻修大定汝合國王心目合賊

大佛頂如來密因修證了義諸菩薩萬行首楞嚴經

會解卷第一

音釋

浚思潤切屬音燭腥桑丁切豚蘇刀切豕小豕

遊古候切

支那撰述 大佛頂首楞嚴經會解第一 十二 綿一

支那撰述 大佛頂首楞嚴經會解第一 十三 綿一

支那撰述 大佛頂首楞嚴經會解第一 十四 綿一

支那撰述 大佛頂首楞嚴經會解第一 十五 綿一

支那撰述 大佛頂首楞嚴經會解第一 十六 綿一

支那撰述 大佛頂首楞嚴經會解第一 十七 綿一

支那撰述 大佛頂首楞嚴經會解第一 十八 綿一

支那撰述 大佛頂首楞嚴經會解第一 十九 綿一

支那撰述 大佛頂首楞嚴經會解第一 二十 綿一

支那撰述 大佛頂首楞嚴經會解第一 二十一 綿一

支那撰述 大佛頂首楞嚴經會解第一 二十二 綿一

支那撰述 大佛頂首楞嚴經會解第一 二十三 綿一

支那撰述 大佛頂首楞嚴經會解第一 二十四 綿一

支那撰述 大佛頂首楞嚴經會解第一 二十五 綿一

支那撰述 大佛頂首楞嚴經會解第一 二十六 綿一

支那撰述 大佛頂首楞嚴經會解第一 二十七 綿一

支那撰述 大佛頂首楞嚴經會解第一 二十八 綿一

大佛頂如來密因修證了義諸菩薩萬行首楞嚴經
會解卷第二

阿難白佛言世尊一切世間十種異生同將識心居
在身內縱觀如來青蓮華眼亦在佛而我今觀此浮
根四塵祇在我面如是識心實居身內

溫陵曰謂心在內目在外自眾生至如來阿難皆
然文互見也異生有十二類除土木空散非心眼
倫也補註曰浮根四塵言眼也詳見第四卷中

佛告阿難汝今現坐如來講堂觀祇陀林今何所在
世尊此大重閣清淨講堂在給孤園今祇陀林實在

支那撰述 大佛頂首楞嚴經會解第二 一一 綿二

室外阿難汝今堂中先何所見世尊我在堂中先見
如來次觀大眾如是外望方囑林園阿難汝囑林園
因何有見世尊此大講堂戶牖開豁故我在堂得遠
瞻見

溫陵曰定內外境欲明在內之心當次第見定先
後見欲破在內之心不先見內汝囑等皆且引事
辨定下乃牒破

爾時世尊在大眾中舒金色臂摩阿難頂告示阿難
及諸大眾有三摩提名大佛頂首楞嚴王具足萬行
十方如來一門超出妙莊嚴路汝今諦聽阿難頂禮

伏受慈旨

溫陵曰三摩提亦云三摩地亦云三昧此云正定
首楞三昧千聖共由故曰一門妙莊嚴海由此而
至故謂之路孤山曰阿難向以三名為請今如來
但舉三摩提者圓融三止舉一即三故下文奢摩
他路其意亦爾

佛告阿難如汝所言身在講堂戶牖開豁遠囑林園
亦有眾生在此堂中不見如來見堂外者阿難答言
世尊在堂不見如來能見林泉無有是處阿難汝亦
如是汝之心靈一切明了若汝現前所明了心實在

支那撰述 大佛頂首楞嚴經會解第二 一一 綿二

身內爾時先合了知內身頗有眾生先見身中後觀
外物縱不能見心肝脾胃爪生髮長筋轉脈搖誠合
明了如何不知必不內知云何知外是故應知汝言
覺了能知之心住在身內無有是處

溫陵曰心在身內合見身中頗猶可也引眾以問
決不能也心胃內藏縱不能知爪脈外浮云何不
曉既不內知果非在內矣補註曰前文雙呈心目
所在今乃先破妄心雖曰破妄心而但言此心無
有處所卻不顯言此心是妄者要引阿難處處推
呈令其情盡而理窮也由是直至七處徵心之後